## 4-1801-2401/4204-сонли иктисодий иш

# ҚАРШИ ТУМАНЛАРАРО ИҚТИСОДИЙ СУДИНИНГ АЖРИМИ

(даъво аризани кўрмасдан қолдириш тўгрисида)

### Карши шахри

2024 йил 7 август

Қарши туманлараро иқтисодий судини судяси А.Қодировнинг раислигида, судя ёрдамчиси А.Норқобиловнинг котиблигида, жавобгар вакили Б.Ишмуродов (ишончнома асосида)лар иштирокида, Касби туман фермер, деҳқон ҳўжаликлари ва томорқа ер эгалари кенгашининг даъвогар "Элдор Чўянов" фермер ҳўжалиги манфаатида, жавобгар "Радиан Силк" МЧЖ ҳисобидан 6.408.000 сўм асосий қарз ва 3.200.000 сўм пеня ва 1.602.000 сўм жарима ундириш ҳақидаги даъво аризаси бўйича ишни Қарши туманлараро иқтисодий суди биносида очиқ суд мажлисида кўриб чиқиб, қуйидагиларни

#### аниклади:

Касби туман фермер, деҳқон ҳўжаликлари ва томорқа ер эгалари кенгашининг даъвогар "Элдор Чўянов" фермер ҳўжалиги (бундан буён матнда даъвогар деб юритилади) манфаатида судга даъво аризаси билан мурожаат қилиб, жавобгар "Радиан Силк" МЧЖ (бундан буён матнда жавобгар деб юритилади)дан 6.408.000 сўм асосий қарз ва 3.200.000 сўм пеня ва 1.602.000 сўм жарима ундиришни сўраган.

Суд мажлиси мухокамасида иштирок этган жавобгар вакили медиатив келишув тузилганлигини ва низо медиатив келишув билан якунланганлиги билдириб, даъво аризани курмасдан колдиришни суради.

Суд тарафлар вакилларининг иш бўйича тушунтиришларини эшитиб, такдим этилган ва ишдаги мавжуд хужжатларни ўрганиб чикиб, тарафлар ўртасида 2024 йил 02 авугстда тузилган медиатив келишувни ўрганиб чикиб, куйидаги асосларга кўра даъво аризани кўрмасдан колдиришни лозим топади.

Аниқланишича, тарафлар ўртасида мазкур низо юзасидан 2024 йил 02 августда медиатив келишув қуйидаги шартлар асосида тузилган:

Жавобгар даъво ариза кўрсатилган 6.408.000 сўм қарздорликни тўлаб бериши, даъвогар эса даъво аризасида сўралган 3.200.000 сўм пеня, 1.602.000 сўм жарима ва 34.000 сўм почта харажатидан воз кечишга келишилган.

Тарафлар мазкур медиатив келишув ихтиёрий равишда тузилганлигини тасдиклайди.

Медиатив келишувда белгиланган шартлар ўз вақтида амалга оширилмаса ёки бошқа ҳолатларда битим иштирокчиларининг ҳуқуқлари бузилса, бу бўйича тарафларнинг бири судга мурожаат қилиши мумкин.

ИПКнинг 131-моддасига кўра тарафлар низони келишув битимини ёки медиатив келишувни тузиб ҳал этиши мумкин.

Келишув битими ёки медиатив келишув даъво тартибидаги ҳар қандай иш бўйича тузилиши мумкин. Келишув битими иқтисодий суд ишларини юритишнинг ҳар қандай босқичида ва суд ҳужжатини ижро этиш жараёнида, медиатив келишув эса биринчи инстанция судида суд алоҳида хонага (маслаҳатхонага) суд ҳужжатини қабул қилиш учун чиққунига қадар тарафлар томонидан тузилиши мумкин. Келишув битими у суд томонидан тасдиқланганидан кейин тузилган ҳисобланади.

"Медиация тўгрисида"ги Қонуннинг 15-моддасига мувофик медиация тарафларнинг хохиш-истаги асосида кўлланилади. Медиация суддан ташқари тартибда, низони суд тартибида кўриш жараёнида, суд хужжатини қабул қилиш учун суд алохида хонага (маслахатхонага) киргунга қадар қўлланилиши мумкин.

Мазкур Қонуннинг 17-моддаси 4-қисмига кўра суд муҳокамаси жараёнида ваколатли давлат органида кўриш жараёнида медиация тартиб-таомилини амалга ошириш чоғида тарафлар томонидан эришилган медиация келишув тегишли иш кайси суд ёки ваколатли давлат органининг иш юритувида турган бўлса, дарҳол ўша судга ёки ваколатли давлат органига юборилади.

Бундан ташқари, Иқтисодий процессуал кодексининг 107-моддаси  $5^3$ -бандида тарафлар ўртасида медиатив келишув тузилган бўлса, даъво аризасини кўрмасдан қолдирилиши белгиланган.

"Медиация тўгрисида"ги Қонуннинг 17-моддаси 5-қисмига асосан низо медиатив келишув билан медиация тартибида ҳал қилинган тақдирда тўланган давлат божи қайтарилиши лозим.

Юқоридагиларга кўра, суд тарафлар томонидан такдим этилган медиатив келишув шартлари билан танишиб чиқиб, ушбу медиатив келишув шартлари ўзга шахсларнинг қонун билан қўриқланадиган ҳуқуқ ва манфаатларини поймал қилмаслигини, амалдаги қонун ҳужжатлари талабларига зид эмаслигини инобатга олган ҳолда даъво аризасини кўрмасдан қолдиришни, тарафлар ўртасида медиатив келишув тузилганлиги сабабли тарафлардан давлат божи ундирмасликни лозим топли.

Ўзбекистон Республикаси "Медиация тўғрисида" ги Қонунининг 15,17-моддаларини ҳамда Иқтисодий процессуал кодексининг 107,118,131,133, 194-195-моддаларини қўллаб, суд

#### ажрим килди:

Касби туман фермер, деҳқон хужаликлари ва томорқа ер эгалари кенгашининг даъвогар "Элдор Чуянов" фермер хужалиги манфаатида киритган даъво аризаси курмасдан қолдирилсин.

Ажрим нусхаси тарафларга юборилсин.

Ажримдан норози томон бир ой ичида апелляция тартибида шикоят қилиши (протест келтириши) мумкин.

Судья А.Қодиров

